





受宜堂宦遊筆記卷三十四目錄

廣西

粵俗 以下廣西

姓氏之異

粵女粧飾

羽服卉服

桂林食物

食俗陋習

玉環



獐

山子

山魃木客

赶墟

榕樹門

木棉

桂

桄榔木

沙杉

楓人

葛仙米

三七

茄

美人蕉

石燕

秋風鳥



山羊

肉翅虎

靈蛇

蚌蛇

蝙蝠

蠱蟲

毒蟲

蛤蚧

蟻

受宜堂宦遊筆記卷三十四

納蘭常安履坦著

男珉全校

廣西

粵俗

百粵風土記。記載粵人淫祀而尚鬼。病不服藥。惟以祈禱為事。嶺南異錄云。粵俗臨喪。破家供佛。盛饌待客。名曰齋筵。病不請醫。惟殺牛賽鬼。名曰毛藥。毛藥之

琦

琇



官述筆言 卷三十四  
義甚新。今在林供佛齋僧。賽鬼與昔所記。依然無異。豈歷來守土者之不知。禁抑流風之不能已耶。

### 姓氏之異

粵西姓氏之異。不特中州所無。即稽之姓譜。亦鮮有載者。如盤姓。自云槃瓠之後。復訛為盤。韋姓。自云韓信之後。去半為韋。其儂氏。蒙氏。岑氏。陀氏。皆族之大者。然遙遙華胄。莫悉其始。往見叢載。書忻緒朗。閉思播坦。既婆敬賣銀。典粟零利。諸姓出於籍錄。所見則夷種土州。結寨據谷。自標裔姓。又不必以不經見為

駭聽也。

### 粵女粧飾

粵女粧飾。髻鬟其製不一。有芙蓉望仙。懷人雙蛇。孤鳳。以形似言之也。有濃春散夏。懊儂萬疊愁。急手粧。以情思言之也。命名並娟秀巧妙。其次有椎結。有垂鞭。有盤蛇。有鹿角。皆嬾梳粧也。若豪家髻鬟。稍不稱意。羣起笑之。目為丁粧。言其蠢也。纏頭之錦。則鵝頭花蕊為上。有蛇濡錦。以蛇膏澤之。辟毒霧。入水不濡。亦名龍油。錦有簇蜨錦。最佳。以熟金為之。古詩惆悵



官述筆言 卷三十四  
金泥簇蜨。春來猶得伴行雲。則錦以簇蜨名者亦有所本。曾於叢載見四姓髻鬟多出此。今風移俗易而名或不同。其實所尚未盡改耳。

### 羽服卉服

赤雅曰。嶺南以鳥毳之精織成文章者。謂之鎖袂。鳥毳之粗。市於狎獐者。謂之鵝罽。今俱不可得。若中州所貨羽毛。緞羽毛。紗皆出自海外諸國。未聞其為嶺南產也。赤雅又言南方草木可衣者曰卉服。具載勾芒紅蕉弱錫火浣等種種諸布。近亦罕見。惟所製葛布價倍他處。曰廣葛為盛行諸省耳。大約昔人南嶺諸錄多未可據。亦由俗尚變更。古今殊軌。如百粵風土記以張文昌無時不養蠶之句。謂非實錄。餘可知矣。

活看入妙筆亦有神

魯啓人

### 桂林食物

桂林食物不饒。製作罕佳。是以虞衡志於果品外無他及。惟以瑞露酒稱最。言曲盡醞釀之妙。聲震湖廣。即金蘭之勝。未必能頡頏也。今予駐桂林。覓瑞露已



無識之者。擇其名勝。無如桂酒。味頗醇。或亦瑞露之遺傳耶。然較之吳越佳釀。遠不逮矣。至於羊豕雞鴨。味俱不美。難列佳餚。獨有桂林麥當。晝開花。性既不寒。而麵復皎白。較諸北產。竟堪伯仲。洵南徼第一品也。

### 食物陋習

嶺南食物。有曰茅鱓者。蛇也。曰茅蝦者。草蠶也。曰家鹿者。鼠也。曰蛤蚧者。蝦蟇也。其最重者。曰不乃羹。取牛羊腸臟。略擺洗。羹以饗客。臭不可近。食之既則。大喜。中州人初至其地。樽俎之間。未有不驚且笑者。雖然。莊生有云。麋鹿食薦。牛馬食料。螂蛆甘帶。三者孰知正味。假令引徭蠻之人。而食以金羹玉鱠。彼亦必厭薄之。故上古之世。茹毛飲血者。此人也。中古而下。烹調鼎鼐者。亦此人也。各安於口之所習而已。不以此笑彼也。

每一小題。即具大見識。胸次當吞八九雲夢也。昌

黎南食詩。直如蚓竅蠅聲。  
魯啓人

綠珠玉環



綠珠生博白綠羅村梁氏石崇遣交趾回以明珠三  
斛聘歸玉環生容川雲凌里楊氏產時異香滿室其  
肌如玉楊康見之以財求為女後楊元琰脅康仍求  
為女選入壽王宮遇天寶冊為貴妃同一極南邊徼  
鍾此美媛一大富一大貴事已奇矣迨其後墜樓之  
慘馬嵬之縊珠沉玉碎幾於亡家破國而致禍之難  
測亦頗相類不更奇哉

徭人

徭種有八曰天竺咳首僬僥跛踵穿胸儋耳狗軛旁

脊是謂八蠻又有四姓曰槃藍雷鍾而槃姓居多五  
溪以南窮極嶺海迤邐巴蜀皆有之其人椎髻斑衣  
婦女黥面為花卉蜂蝶之狀刀耕火種不供賦役性  
兇悍好劫殺歲飢苦不得食輒墮突漢界攻剽墟落  
南中向以為患其童時燒鐵烙足沁以臘油重趼如  
鞞故能登險峻履棘刺而不傷戰則一鎗一弩相將  
而前其遁去亦必有伏弩在後又溪峒中多大榕樹  
諸徭依阻其間兼密峙篁竹叢布連絡有警則盡削  
去其梢如箭鋒林立官軍無能近者而彼行之若飛



官。述。言。卷。三。四。三。  
其所以敢於叛亂者恃此而已。然粵中亦有平地高山大良。諸徭性淳謹。奉約束。間亦有讀書應考者。則知要荒負固之區。非盡梗頑。未嘗不可以文德化也。諸徭地所產。有香木。沙版。滑石。獸皮。諸貨。居民利其所有。故雖鬪殺為患。常相與貿易。通往來云。

通達大體言有典則氣亦穩重 魯啓人

獠

獠居五嶺之南。其容貌俗尚頗與徭同。人皆架欄而居。下頓牛畜。女人橫髻卉裳。刺手為文。男子亦貫耳。

帶錦著為飾。又徭婦裙短不蓋足。而獠婦裙長至六七幅。人以是別之。今道中時見有頂板苗。亦是獠類。以板冠首上。用髮穿縛。朝夕不卸。古之所謂板楯蠻者。其即此與。獠自元至元中始入省地。編入版圖者。謂之熟獠。性稍馴。遠者謂之生獠。梗化不可制。初柳慶邊山民苦於徭寇。募獠人耕種。且以御徭。久之獠與徭通。侵掠田畜為害尤甚。然徭獠本異種。往往互相讎殺。大良諸徭多有被獠殘破者。出入身被長刀。持標負弩。專務殺人。攻劫財物。其糾黨給錢。謂之槍



頭錢要人於江繫船取貨謂之勾船打村屯據謂之打地其人耐飢啖草木實或鹽數顆即可過日官軍至則遠遁絕嶠無踪影矣故南中之患非徭即獞陸武園粵西記言獞生深山窮谷異言殊服其歌字皆土音韻則天籟譯而通其意殆亦工於為詞者按徭獞俱尚踏歌以會男女其聲清而厲每嘯起山谷中徹耳淒人雖三峽猿啼不過也

中有關係之句結更縹緲 魯啓人

山子

山子散處山谷中無版籍定居斫山射獸為食食盡又徙去男女皆徒跣橫州震龍六磨諸山多有之又斑衣種女者類同山子短裙膝坐垂手善舞其種類俱不可考情性樸質不與居民為梗猶有太古之風陸次雲所謂生居荒服宜以不治治之其此類也與

中有柔遠經濟在特寫得蘊藉 魯啓人

山魈木客

嶺南多山魈獨足反踵手足三肢香山詩所謂山鬼



官遊集言 卷三十四  
跳翹惟一足是也。雄者稱山丈，雌者稱山姑。山姑好傳脂粉，每向行人求之，與者能相護，賈客往往備脂粉以自隨。又善種田，常代山民耕植，平分其穀，人亦不敢多取。又有木客，形如小兒，云是秦始皇採木人，流寓者，作器工過於人，常出山與人貿易，善吟詩，赤雅記其賦，近體甚妙。有賦：細雨句曰：劍閣鈴逾動，長門燈更深。又曰：何處殘春夜，和花落古宮。語意深婉。蘇長公嘗云：山中木客解吟詩，非虛語也。

風韻妍秀

魯啓人

趕墟

商賈往來，百貨具陳，四遠競湊之地。古謂之市，或曰務，皆所以貿易也。今北省謂之會，山東謂之集，黔陽謂之場，嶺南謂之墟。墟者，虛也。柳文直作虛。童區乙傳云：之虛所賣之。又詩云：青箬裹鹽歸峒客，綠荷包飯趁虛人。青箱記云：市之所在，有人則滿，無人則虛。嶺南村市，滿時少，虛時多，故云虛。或曰：貨物之入市，必網載而來，及貿易既畢，各虛所載負而歸，將度其來，爭先買之，以虛其貨於趕字義，亦得。至嶺南多婦。



官遊學言 卷三十四  
人爲市。椎髻跣足。糶穀賣薪。是徭。是獯。抑或軍妻民婦。幾不可辨。所謂一薰一蕕。十年猶臭。不其然哉。

### 榕樹門

榕南方巨木。葉如木麻。實如冬青。枝幹拳曲下垂。其蔭輒數十畝。九閩會城曰榕城。亦以多榕故也。今粵西有榕樹門。即古南門。相傳爲唐時所築。門上植榕一株。歲久根蒂生。跨門外盤錯至地。若天成焉。門因以名。元至正間。其樹忽枯。平章唐元公祭之。旬餘枝葉復茂。人以其爲異。明洪武時。展南城。惟存此門。楊基詩。榕樹城門却倒垂。即此。今樹已不可復覩。閩廣無地無榕。不材之木。生死俱無足異。而粵西復有榕溪閣。以黃山谷故。尚令騷人墨客。憑弔徘徊。豈非物以人重耶。

### 木棉

木棉一名瓊枝。高數丈。樹類梧桐。葉如香樟。春夏花開。色深紅。似山茶。望之爛如綴錦。結子老則坼裂。有絮茸茸。舊云嶺南人多紡績。以爲布。名曰吉貝。書所謂島夷卉服是也。唐李琮詩。有腥味魚中墨。衣裁木



上棉之句。然詢之粵人。無有能治布者。不如嶺北草棉。處處可織。間或取作裯褥。頗軟而溫。按肇慶志。以吉貝苗接烏柏根。結花爲棉。則所云可織者。或是此種耳。今山溪村落中。木棉極多。土人皆不知取採。隨風飄墜。拂水沾泥。其風景不減江蘆。溪柳作花飛也。結有姿態。棉原有草木貳種。今所用者皆草棉。通鑑載梁武帝送木棉。卓帳史焘釋文。則是今草棉。蓋梁時草棉未入中國。故得草棉以爲罕見。而通鑑猶以爲木棉也。非史焘誤釋。至元以後。中土

處處有草棉矣。

桂

范石湖桂海志曰。桂南方奇木。上藥也。桂林以桂名。地實不產。而出於賓宜州。然余臬署中。桂甚多。每桂子搖落。堆園盈砌。幾無行徑。桂林自有桂。范石湖所言。是專稱木桂一種耳。唐本草。南方桂有牡桂。茵桂。茵桂葉似柿葉。中有縱文三道。表裏無毛。而光澤肌理緊薄如竹。取小枝。不取大枝。牡桂即木桂。其小而嫩者。曰肉桂。皮肉多而半卷。中必皺起。其味極辛美。



凡治病引火歸經助命門益陽氣非桂不為功。然今佳者絕少。功效反不如薑炭。其有頂揀價至七八換。或十二三換。貴幾與參等。蓋自承平以來。商人將此貨盛行內地。老桂日剥。日削。幾無留遺。而新桂又不能一時生長。所以貨日詘而價日昂也。近外洋亦有肉桂。從海舶攜至。頗可用。曰番肉桂。

理法兼到極小題亦見本領 魯啓人

桄榔木

桄榔木身似椶櫚。有薄絲自裹。高七八丈。亭亭直上。

葉大如掌。皆攢於樹杪。其杪抽絲。蔓千百條。長丈餘。垂下如縷。蕤蕤可玩。廣人多採之。以織巾。或漬以鹹水。令麓韌。用以縛船。木有大節。似竹。色紫黑。多文而堅。可解製博奕局。最佳。又可為轆桿。堅而不折。樹皮中有屑如麵。土人每作餅食之。昔人謂南中樹最異者。無如桄榔。而其資用於人。又甚廣。可謂南中之佳產矣。若榕樹最大。皆腹空。枝曲。不中用。徒為猺蠻所依。障樹木亦關人利害。觀此二種可知也。是以君子必求有濟於物。視莊生所謂才與不才。



更闊大 魯啓人

沙杉

月山叢談言思恩荔波二縣西北與貴州爛土黎平諸夷相接有美杉生山下山頽覆壓不知幾千百年矣夷人每候其地有紫氣上騰則羣聚穿土得之解為棺出市遠方蓋即今之沙板是也沙板出川廣等處土人伐古杉埋諸地中沙石之氣滋漬日久質性寒縝故於藏死之具最宜有鳳尾水波等紋出道險遠價貴不貲貨至中土一副直百餘金并有至千金者非富貴大家不能用更有一種釘板沙其紋似釘密布質柔而多脂以斧斫之頃刻脂油漲滿可用為食廚雖大暑皆殺不敗真寶物也

楓人

化書曰老楓化為羽人言楓老成靈蛻質而為人也今五嶺之間多楓木歲久則生癭瘤一夕遇暴雷驟雨其樹贅暗長三五尺謂之楓人越巫取之作術有通神之驗取之不以法則能化去又述異記南中有楓子鬼如人形亦呼為靈楓或云楓子鬼乃攝木上



寄生者天旱以泥塗之能致雨數說與化書微異大  
要草木得天地之精氣歲久變幻便生靈性如老松  
之為劍仙老桐之長木魅紅梅緋桃之成麗女皆物  
理之時有者非怪也本草九真楓實如球生柔刺用  
之有神最難得之物今其香脂入藥材可亂乳香尤  
為佛家所貴云

會格物有得之言

魯啓人

葛仙米

葛仙米出葛仙洞外有流泉噴薄石上遂生苔菌之

類其狀如米粒青色芼以為羹味極鮮美土人呼為  
葛仙米蓋因洞而名之也平時餉客置此品客有未  
識者疑是青螺又廣東韶州府丹霞山出仙米如芝  
如菌色綠味腴頗與此米相類但一生沙土一生水  
石為異耳

娟楚

魯啓人

三七

三七治血之良藥也一名血見愁生廣西南丹諸州  
番峒中每莖上生七葉下生三根故名三七土人入



山採根暴乾色微黃形似白及長而有節者其味微甘而苦頗類人參人參補氣第一三七治血第一味同而功亦等故人並稱曰人參三七為藥品之最珍貴者但市鬻多偽須以末摻猪血中血化為水即得其真矣廣中又有數種藥草善解毒一曰草犀獨莖對葉狀如燈臺草李時珍曰其解毒之功如犀角故以犀名也一曰釵子股根如細辛每莖三四十根嶺南家家貯之以禦諸毒一曰吉利草形類石斛根類芍藥吳黃武中有李侯以罪徙合浦入境遇蠱其奴吉利取此草解之遂以為名一曰良耀草枝葉如麻黃結子如小栗其解毒功不亞於吉利一曰錦地羅根似草薺枯樓中諸毒以根研生酒服一錢七即解土人重之以充方物此數種羣芳譜亦載之大抵嶺南地惡氣盪而所產藥物多珍貴非中州所能及至其瘴毒滋藏非藥不救鍾一毒必有一物以治之故人得資之以禦患乃知天地好生之德實未嘗有吝於嶺南也

前段似陸機草木禽魚疏後似董江都天人策煌



官述筆言 卷三十四  
煌大文也 魯啓人

茄

茄類頗多。然在中州者皆草本。春種秋枯。枝長不過尺許。獨嶺南有宿根茄。二三年漸長。枝幹如大樹。夏秋結實。則梯取之。俗傳茄下可馳馬。其高大可知矣。三年後樹老子稀。即伐去。將嫩者別栽。聞亦有斧其材以構屋者。昔廣士夫為茄詩。有云馬馳濃樹過。秋晚紫金懸。洛下一書生見而詫之。曰茄豈可言樹耶。因更其上句為露濃涼玉重。句雖工。却不是嶺南茄。

北羊可種南。繭成絲信乎。非履其地者不知也。

南人不信木大如魚。北人不信魚大如木。都是此

義。莊子所以歎拘墟也。 魯啓人

美人蕉

南中蕉有數種。有牙蕉。芭蕉。山蕉。皆凌冬不彫。生花結實可食。最可玩者曰美人蕉。四時紅花。中藏甘露。其甜如蜜。偏出兩廣。閩滇等處。而產廣西者種尤不一。一種花瓣尖。大紅色如蓮。一種葉與他蕉同。中出紅葉一瓣。昔人詩所謂臨窗片葉染春霞者也。一種



葉瘦類蘆箬花紅如石榴日拆一兩葉其端一點鮮  
 綠可愛春開至秋盡猶芳蕉之美無以加此數者世  
 嘗謂芭蕉似清客美人蕉似名妓蓋以其有風韻豔  
 而不俗栽之亭臺欄榭間最為佳玩近亦有攜至內  
 地者而甘露則不復能生矣

可補南方草木狀筆更韶媚

魯啓人

石燕

湘中記零陵有石燕其石倒懸色紺如燕得風雨則  
 飛翔如真燕雨止還為石是以李義山詩有葉凋湘

燕雨枝折海鵬風許仲晦亦有石燕拂雲晴亦雨江  
 狔吹浪夜還風之句予於粵西桂林山西保德恒見  
 此石燕或類蟬大者為雄小者為雌風狂則隨沙吹  
 起可治眼疾又曰婦人分娩時握之則易產

秋風鳥

秋風鳥乃江魚化成柳州江魚立秋後躍出水遂化  
 為鳥落於岸側羽毛未全尚帶淋漓里人持網罩之  
 味鮮似魚大如麻雀此正與越地志所載石首魚化  
 為冠鳧相似大抵物之蛻化多有理之不可窮詰者



若魚鳥相化。往往而然。又不足怪矣。

節短韻長 魯啓人

### 粵馬

虞衡志言粵中產果下馬。甚健捷。而西事珥亦云。宋紹興間。廣西進馬。其良不減代北。極爲高宗所賞。但官司民間所畜。皆駑材。祇充下乘。惟諸土司之雄桀者。不難購。以重賞。往往有至四五百金者。今見粵西產馬。身軀卑小。不能行遠。而馳驟亦無力。緣粵產豆不多。畜馬者煮粥飼之。調養既薄。力量亦微。以故控

縱之間。怯不勝人。每遇演武場。觀軍士放轡引弓。馳至半途。馬輒蹶。而人亦因以仆矣。其不任用如此。北馬帶往。每至倒斃。即宦遊之人。弱者多病。而强者漸弱。蓋水土使然也。

### 山羊

山羊生平樂山崖間。能陟峻坂。躡捷若飛。其血可治撲跌損傷。及諸血症。凡跌撲死者。未絕氣。以一分許調酒飲之。遂甦。神效立見。第捕之甚難。每見人則決驟而去。颺迅異常。非足力所能及。必密布繩網草間。



官述筆言 卷三十四  
腎其足始能生得之刺其心血待乾凝結成塊可以  
攜遠蓋凡血皆患凝滯山羊踰高歷險旦夕不休則  
其血活矣而心為主故心血最良語云流水不污戶  
樞不蠹觀於此益信

### 肉翅虎

粵西峒谿中有肉翅虎陸祚蕃粵西偶記云此虎脇  
間有翅下山食人訖即飛還赤雅亦言常向鬼門關  
食人翅如蝙蝠渾身虎文今貴縣深山大箐中有飛  
虎長不滿二尺前足皮豐闊傳翼於下斑文全不似

虎里人但言攫食尸腦未聞食人且其飛亦不遠按  
虎為獸之長其類不一似虎而非真者尤多如晉時  
南陽獲兩足虎述異記漢中有虎生角皆虎之異者  
翅虎羣不為詫以其地產習見也傳云為虎傳翼將  
飛入邑擇人肉而食雖屬寓言蓋亦有本

### 老幹似鐵

魯啓人

### 靈蛇

梧州府有馮真君廟靈應如響禱者俱以見蛇為吉  
殿中有小青蛇長不盈尺盤結梁棟及几案鼎鑪上



卜行者見蛇於途則速歸。卜病者見蛇於室則病愈。訴盜者見蛇於廟則盜懼而取其所竊之賄以獻於神。不然盜必暴亡。倘以不直之事妄瀆之亦反殃。按嶺南為虵虺滋蓄之區。怪怪奇奇不可勝數。乃怪之至而能為神奇之至而能為正天地之理循環顛倒。往往如是。豈獨馮真君廟也哉。

奇之至而能正非大手筆不能道

魯啓人

### 蚺蛇

蚺蛇出梧州。大者如柱。長可十數丈。土人恒捕食之。

可為腊。廣西叢載云。蚺蛇以膽重。採膽者以竹擊其一處。良久。利刃剖之。膽即落矣。膽去而蛇不傷。仍可縱之。後有捕者。蛇輒逞腹間。創示人。明其已被取也。其大者能吞鹿。惟喜花草。及婦人聞之。土人云。其膽有三。皆可用。惟護身膽為重。并云。今捕者數輩。服重裙。插花滿頭。趨蛇旁。蛇必注視。施施來。旋以裙投之。則蟠繳如堆。俟其力懈。蛇復來。復投裙如前。而蛇益懈。直可拊其首不動。於是壯士以刃斷其首。蛇且若罔知也。眾即奔散。遠伺頃之。蛇負痛。始知被刃。猶奮



官途筆言 卷三十四  
迅騰躍若地裂雷震草木盡拔而後已此說與虞衡志略同大抵計一蛇可分享一村例以美者製為腊以獻長官固知其無毒害予秉臬粵西有截蛇二段來獻意甚恭予異之使揮去嘆曰噫嘻蛇之居深山若其性而必以服飾誘之戕其生蛇亦有迷於此者焉夫天地食物何在不可而必以是為嗜設不利於捕者將奈何用是特禁採之

仁民愛物之論其義益然

魯啓人

蝙蝠

桂林郡城外劉仙巖在白龍洞之陽仙人劉仲遠所居也洞窟幽邃中伏蝙蝠甚大飛則兩翼如扇見者無不驚異始信述異記所云荊州清溪秀壁諸山山洞蝙蝠大如鴉殆非虛謬故方言謂之仙鼠而崔豹古今注及天中記並言伏翼有百歲五百歲至千歲者能化形飛遊喜倒挂石穴巖洞間其色或赤或白或黑或青翠不同今劉仙巖所伏色俱黑其大迥異尋常或亦千百歲物耶

蠱蟲



閱叢談及隋書知蠱之為害甚毒有謂刺蝟能捕蠱  
蟲使無遺匿殊不知蠱之為類不一其最毒者雖刀  
斷石碎火焚土埋而蠱依然不滅多依附婦女中人  
立死死後財物為蠱搬運以利養蠱者每害一人則  
增一蠱或云其人被害魄即附而為蠱予已酉歲秉  
臬西粵讞案有為蠱斃命者獄已定因檢卷閱之緣  
養蠱婦女覘富室貿易遠歸知其必攜財物倩隣媪  
詣其家初作問候狀後乘機藏蠱於指彈之立斃事  
主疑而執之遂訟諸官究得其實據供婦女初嫁時  
已隨附十九蠱嫁後與伊夫又害六人復增至二十  
五蠱矣其所害六人旋察出確證者三挖土得尸骸  
者二其一即犯事之家予怪之而未信次日提婦女  
復親鞫歷歷不諱因令呈所養蠱蟲視之初出一竹  
筒空然無所有女稟法堂聽政之所邪祟不敢入必  
呪祭司戶而後可如之則果現乃蠕蠕赤蟲耳遂令  
以足踐踏之如泥水吏曰却未滅令婦女呼之蠱仍  
在筒中依然如前數於是訪所以絕之之法用石畝  
入蠱蟲封以印紙投於江蠱乃滅



毒蟲

嶺南毒蟲有夜虎狀如蚯蚓。嘴利如錐。多夜出。半身著地。半指空而行。有誤觸之者。直入人心腹。食人至死。乃出。又有十二時蟲。若大蜥蜴。其色一日一夜。隨十二時變。傷人立死。又有毒蜂。本毒菌所化。喙若鋸。長三分餘。夜入人耳鼻中。斷人心繫。此數種其毒逾地。虺而又眇小。不易防。嶺南多惡物。信矣。蓋其地山川險怪。瘴霧鬱蒸。天地之厲氣於此。鍾藏。故為人則兇獍為物。則毒螫吁。其可畏也已。

蛤蚧

蛤蚧形如守宮。而尾長與身等。雄為蛤。雌為蚧。生嶺南山谷大樹中。亦多緣行牆壁之間。雌雄相隨。鳴聲格格如石輪。魚顧玠。痔槎錄曰。蛤蚧交則兩相抱負。自墮於地。人往捕之。亦不知覺。以手分劈。雖死不開。按本草。蛤蚧能補肺氣。定喘止渴。功同人參。益陰血。助精扶羸。功同羊肉。又蛤蚧藥力在尾。人有捕之者。多自嚙斷其尾而去。此與麝之挾香。鶴之投髦。甚相似。微物亦知割愛。以全其生。為之一嘆。



結有遠神嶺南人以蛤蚧為蝦蟇昌黎荅柳子厚  
食蝦蟇詩惜未引斯義魯啓人

蟻

嶺南苦多白蟻善蝕木人惡之掘送他處有取至數  
十斛不能盡者藩庫地濕尤易生能食銀數少取糞  
煎之可得一半其糞亦白棟梁為蟻所食外仍完固  
而內已朽壞其可憎至此然廣人美味有蟻子醬於  
山間收蟻卵淘滓令淨鹵以為醬最珍貴又甘子樹  
必以蟻養南中甘子樹苦無蟻人皆以席袋取蟻子  
窠如薄絮囊皆連帶枝葉和窠鬻於都市又愛州居  
風縣有蟻絮藤人視土中知有蟻因墾發以木皮插  
其上則蟻出緣而生漆由此觀之蟻亦嶺南之一利  
也更有赤蟻者大逾於象渾身帶火力負萬鈞雜食  
虎豹蛇蟲蟻最微物而大乃至此可知物類之難推  
也

憎而知其善末更恢廓矯異魯啓人



曾而映其善末更對極微異

曾於人

也

急。然。地。處。最。熱。而。大。火。至。此。而。吹。以。勝。之。其。熱。

必。更。有。赤。髮。者。大。會。於。此。戰。爭。皆。以。此。為。勝。會。

其。上。限。地。出。於。此。而。生。於。此。由。此。勝。之。熱。亦。於。南。之。一。所。

風。烈。有。熱。繁。類。入。縣。中。吹。有。熱。因。壁。以。木。皮。而。

東。其。地。亦。有。熱。帶。林。葉。味。其。味。亦。以。此。為。勝。會。

受宜堂宦遊筆記卷三十五目錄

雲南

滇南氣候

滇日出入

滇南地勢

雲南入中國

星回節

永昌風俗

五華山



太華山

螺峰山谷

昆明池

安寧溫泉

鹽井

碧雞金馬坊

玉津橋

銅瓦寺

先績恭紀

寶石

金銀等物

象牙等物

雲南碁子

打糕石

果品

櫻桃

檳榔

檳榔鮮花



抹猛菓麒麟竭鱗蛇

馬金囊

金剛纂

雞蹤

南豆

茯苓均子

梅天藥也

茶花等神

牡丹

優曇花

杜鵑花

蓮

素馨

刺桐花

白鶴龍女花

蘭

菊

芙蓉



不知名樹

籬落田畔花草

孔雀

受宜堂官遊筆記卷三十五

納蘭常安履坦著

男珉仝校

琇

琦

雲南

滇南氣候

滇南會城。冬不祁寒。夏無溽暑。明楊升菴詩云。天氣  
渾如三月裏。花枝不斷四時春。非親歷者不知也。長  
至後亦覺微寒。間下霜雪。然水無薄冰。花木開放幾



官。道。年。記。卷。三。五。  
不知有臘矣。滇志載迤東之曲靖微寒。臨安微熱。元江則大熱。三月插秧。六月登穀。迤西之大理鶴慶微寒。景東微熱。麗江則大寒。夏猶積雪。穀麥不生。是一郡有一郡之氣候。各迤有各迤之氣候。詢之牧令。僉以為然。

不祁寒無溽暑則和煦之氣。冬夏皆宜。自來北方極寒南方極熱。近日則北方之熱南方之寒亦令人不可耐。遙想滇南不禁神往。  
陸成岑敬評

受。宜。滇。日。出。入。

滇地較各省為高。日之出入皆在卯酉。按之晷影相符。予兩經寒暑。覺冬日較北省果長。蓋出於卯而入於酉也。考其溫和之故。位在西南。於後天八卦為坤。得土中氣。故無嚴寒酷暑也。

精於歷亦精於易  
魯啓人

### 滇南地勢

由湖南之常德府至貴州之鎮遠府。凡十八站。俗有急三站。緩三站之說。山路崎嶇。忽上忽下。似無高低之分。以水程觀之。自常德至鎮遠。為上水。逆流挽舟。



官邊筆言 卷三十三  
必歷二十餘日自鎮遠至常德勢如建瓴止需八九日則鎮遠高於常德不待言矣由鎮遠至貴陽凡九站高坡峻嶺上多下少又從貴陽至南滇亦十八站拾級摳衣而上日無改轍抵平彝迴視貴州如在釜底則雲南地勢之高應無出其右者

### 雲南入中國

雲南於古為徼外西南夷周武王伐紂有濮人之師至成王時又遣人獻白雉因迷歸路周公作指南車以賜之即今之車里宣慰司是也周末楚將莊蹻略

王其地國號滇漢武帝遣唐蒙開夜郎通西南夷又遣郭昌伐滇滇王降以其地為益州郡蜀後主初年諸葛武侯南征孟獲平之置建寧興古雲南此雲南之名所由始也唐時南詔最強詔者蠻言王也其先有六詔曰蒙巒遐賤麼些施浪越折浪穹而五詔皆并於蒙巒號南詔蒙氏楊氏段氏相繼據有其地雖稱臣中國實不奉正朔弱則歸欵強則閉關中國弗能制也宋太祖有天下遣王全斌伐蜀斌請便道取雲南并進地圖太祖深知叛服不常以玉斧畫大渡



河曰此外非吾有也。以故段氏得國最久。元初滅段氏。得五城八府蠻郡三十有七。以皇子忽哥赤鎮守雲南。以平章賽典赤副之。雲南之隸中國自此始也。終元之世。封王鎮守者十一人。明洪武十四年。以元故梁王瓦爾密猶拒命。遣潁川侯傅有德平西。侯沐英等取雲南。梁王投滇池死。丞相觀音保舉城降。南中悉定。安官設吏。留沐英鎮守。沐氏鎮雲南凡十餘世。與明國祚相終始。自初有孫可望。劉文秀。艾能奇等據守滇黔。順治十五

年

**世祖章**

皇帝遣靖寇大將軍信郡王鐸

由貴州都統趙布

太由廣西吳三桂帶定西侯墨勒根都統李國翰由四川三路取滇。十六年正月。我師克雲南。桂王之子同李定國。沐天波等走緬甸。六月。經略洪承疇奉

**旨命定**

西將軍愛星阿公及吳三桂引兵入緬甸。康熙元年

緬甸獻桂王之子。大兵班師。留吳三桂鎮守雲南。十二年

朝野知三桂潛蓄異志。乃下

雲南

雲南

日



詔徵還其家。三桂因之舉兵反。陷黔及湖南。閩廣二藩應之。逆勢張甚。

聖祖仁皇帝命順承郡王勒統

禁旅由湖廣進討破之。余三祖與有勞焉。

余祖事詳八旗通志及

恭紀先績編

三桂不得逾湖北。方三桂跳盪時。叛者蟻聚。

有以王爵叛者。若尚之信耿精忠。有以將軍叛者。若孫延齡。有以總督叛者。若鄭蛟麟。有以巡撫叛者。若曹申吉。劉秉政。羅森。有以提督叛者。若馬雄。線國安。主輔臣李本深。嚴自明。總兵偏裨而下。不能指數。然而

天眷有德。予以神器。豈亂臣賊子所能覬覦哉。十七年。三桂

死於衡陽。其孫世璠偽立。十九年。賊軍潰回。

聖祖仁皇帝復命平寇大將軍固山貝子章泰征南將軍穆

占綏遠將軍蔡毓榮。並征南大將軍賴塔。及各旗都統。率大兵長驅而進。賊望風瓦解。余祖同希福。桑格。擒其偽大將軍馬寶。直逼會城。駐兵銀錠山。晝夜攻之。賊將線絨等知事不可為。獻城以降。世璠自殺。雲南平。



叙次詳悉 魯啓人

星回節

滇南十二月十六日謂之星回節。束松為燎，高丈餘。少長咸集，火下食，生飲酒為樂。少者燃松脂潑灑為戲。考省志：漢時有夷婦阿南者，夫被殺，南以是日赴火死，國人哀之，為此會。又云南詔皮邏閣欲并五詔之地，誘其魁，會松明樓，將焚殺之。逄賤妻慈善，知其謀，戒夫勿往。夫不從，被害。慈善亦閉城自盡。滇人以是日燃炬弔之。又云孔明以是日擒孟獲，侵夜入城。

父老設燎以迎，遂相沿成俗。云余嘗屆期，登瞻雲亭，見遊人闐隘城郭，比夜火光燭天，松脂潑地如星流，雷激照耀，林木踏歌喧笑之聲徹城內外，真盛會也。噫，或憑弔節婦，或利見大人，皆風俗之良。雖近於戲，其意又曷可少哉。許鶴沙行程紀言雲南馬龍州等處以六月念四日為年節，是晚婦女豔粧，燃炬照屋，謂之照歲，設酒宴會，謂之過年。與余所見有微異云。

永昌風俗

雲南猺夷多，而漢民少。惟永昌府城內盡漢民，其語



言不似本土。乃明初徙南京人於此。故其音與南京相類。歲時伏臘。衣冠飲食。大都彷彿江南。至市肆貨物之繁華。城池風景之闊大。人謂之小南京。士知尚禮。農務力田。商賈經營。婦女紡績。皆他郡所不及。但喜遊覽。每佳時勝景。則攜觴挈榼。空室而往。誠有所自來也。百餘里外。皆蠻夷言語不通。衣服殊制。種種不同矣。

各處語言迥別。由水土使然。北方數百里外。不過微有不同。江南徽寧一帶。離四五十里。彼此話言。即茫然不解。若廣坐中。值同鄉二人。則鳥語繡蠻刺刺不休。令人生厭。永昌隔金陵萬里。語言宛然無異。因明初徙南京人於此。目見耳聞。皆其鄉音。無衆咻以亂之。所以三百餘年。習焉安焉。雖水土不能移之也。若將域中鳥語之區。分散各直省。而以言語清楚者。填實其中。則出門所向。悉是人言。庶耳根清淨。不聞嘈嘈雜雜之聲。豈非快事。

岑敬評

陸成

五華山

雲南

卷三五

七



會城有三山五華其一也居城中央上有寺建

萬壽亭亭前有大厦凡歲朝令節文武

朝賀於此階前俯瞰城中近則烟火蜂攢市廛井列遠

則川原山郭一覽無遺洵壯觀也山產朱心鷓石東

隅有武鄉侯祠明末建

太華山

太華山在城南五十里面臨昆海蒼秀端嚴聳立截

嶺上多名刹稱最者曰佛巖寺寺極壯麗深邃內有

軒名曰鬢鏡坐闕昆池一碧萬頃漁舟往來帆影飄

漾日夕但聞欸乃聲昔人有海勢欲浮雙塔去山形

如擁五花來之吟佳句也滇中勝覽首推焉

螺峰山

螺峰山在城東北隅倚山建圓通寺繚垣寬衍殿宇

巍峩殿後有洞曰紅孩洞可通城外崖曰盤坤又曰

補陀羅梯磴崎嶇攀躋而上石色深碧盤旋如螺故

名螺峰寺旁鐫名跡佳句頗多上有觀音閣文祖殿

極頂有立佛寺前後喬木干霄苔蘚鋪地綠陰交映

春二月遊人挈榼移罇席地而坐彈絲吹竹歌聲繚



官遊筆言 卷三十三  
繞於松篁之間。

收處屹然竟住益覺杳然不盡

陸成岑敬評

### 昆明池

昆明池一名昆海在城西南跨昆陽安寧晉寧三州。滙盤龍江黃龍溪金汁銀汁諸水周五百餘里舟楫往來交錯貨物藉之以通考志載史記之言滇水源廣末狹有似倒流故曰滇池一說凡水皆東此獨折而西禹力不到處名之曰滇亦宜。

結語精

魯啓人

### 安寧溫泉

安寧州城北十餘里溫泉出巖穴間不假穿甃中有石如碧玉號碧玉泉不過煖不過涼且無硫磺氣掬而嗽之甚香甜垢膩隨流浮出激之不濁天下溫泉多矣應推此為最明楊慎題天下第一湯五字刻於亭中石壁繼此題吟甚多左側又出一泉香甜無異號小玉二泉外通大溪即螳螂川兩岸有山或遠或近山畔有寺曰火龍曰雲濤曰曹溪曰虎邱督撫建公館二所樓閣參差泉石映帶仰睇松筠俯窺雪浪



官遊集言卷三五  
實滇南賞心處也

溫泉為天下第一而賞心處景致絕佳  
陸成岑敬評

### 鹽井

滇南鹽取自井中井之大者三曰白眼黑眼琅井次則安寧州之新井在城東門外河心中築石為臺高二丈上露二井眼圓五尺許一眼清水一眼鹵水二人以桔槔並汲清水傾河心鹵水傾竹瓦接流岸上槽內擔送竈間如不汲清水則流溢鹵井鹵水亦淡

河中有井已奇二井相去僅三尺鹹淡迥別更奇既為二井鹹淡各分一汲一停而清水又貫入鹵內益不可解至於煎熬法砌大竈一圍安銅鍋十三口熬四晝夜成沙其白眼等井大概相似第山川之向背井竈之形勢人工之勞逸則又所在各殊不能枚舉作者觸處俱有妙悟而此理竟不可解吾輩何能臆斷存之以廣見聞  
陸成岑敬評

### 碧雞金馬坊

碧雞金馬滇中之異神也漢武帝曾使人往滇求金



馬碧雞之神。今會城南門外東西大街立兩坊。一名碧雞。一名金馬。孔道如砥。錦繡纂組。布帛麻絲。充楹積棟。山珍海錯。畦蔬園果。實篚盈筐。所餘街心。僅容車。幘憑軾。而望行人。冠纓如層波。疊浪中。萬片桃花。閃爍。人烟。輳集。如此。民俗之繁。庶可知。擬以江浙風光。信不謬也。

江浙之名。統而言之也。除省會數區外。瘠薄處甚多。似此人烟。輳集。民俗殷繁。恐江浙之望下風者。正不堪枚舉耳。陸成岑敬評

### 玉津橋

碧雞金馬坊東。有玉津橋。俗名德盛。商民稠密。每日辰巳間。賣花人。匯集。或肩挑全枝。或盤托零朵。異香撲鼻。諸色閃睛。時見戲蝶。遊蜂。趁人。不舍。又於黃昏後。居人。貨賣食品。各然燈一盞。照耀如晝。昆明志載。有玉津夜市一景。謂其燈火之盛也。

寫賣花景致如畫

陸成岑敬評

### 銅瓦寺

滇南會城北二十里。有鳴鳳山。山巔建太和宮。環以



磚城規制壯麗正殿三楹椳闌店楔門窗屋瓦俱以銅鑄一見輝煌奪目殿外闌干階級皆甃以大理文石夫以石之如玉加以銅之如金金玉其相其為大觀也宜矣

石與銅以金玉比之益見輝煌奪目 陸成岑敬評

先績恭紀

雍正七年安奉

命任雲南按察司使逾年遷布政凡所臨莅皆我先人昔日披甲荷戈奮勇破賊之地以安謏劣承先代遺

澤得以優游從事於斯感

聖朝累世之恩仰

祖宗積累之厚為忠為孝皆在是焉安

所以憑弔川原徘徊巒阜而皇然悚惕也 先祖由

旗員授平郡王長史兼佐領康熙十三年春以逆藩

吳三桂叛興師南討我 祖從征以長史管護軍夸

蘭大事所向克捷旋擢副都統進勦逆寇敗夏國相

於武岡破吳應麟於沅州擒馬寶於呂合馬寶者賊

之勇將所倚以安危者也寶擒而賊喪氣羣小內變

遂平雲南夫



官述筆言 卷三十五  
國家永清大定神武奮揚俾我祖得効力馳驅紀功  
竹帛威略之盛固依古所罕覩者也考歷代之與人  
臣後先奔走莫不依日月之光効汗馬之役而利鈍  
相參成敗互異以漢陳平之智鄧禹之材尚且困於  
平城散於宜陽我祖自從事戎行大小百餘戰出  
入深林密箐之中馳騁高山峻嶺之地當者糜遇者  
潰有進無退遂使釜魚漏息灰滅烟飛蓋指畫承乎  
廟算而忠勇本之性成豈偶然哉方議奏凱言旋告成功於  
天子而遽以疾卒於軍於是爵命之榮既沐於生前卹贈之

典復隆於歿後我

朝恩禮優渥誠世世子孫所感激而欵歔者矣嗚呼古

之君子於其先人之遺烈必有所不忍忘焉過其所

至之地必咨嗟涕泣而後能去之焉晉謝靈運述祖

德詩云屯難既云康尊主隆斯民唐魏暮進其祖之

笏文宗曰此甘棠之義非笏而已我祖揆文教奮

武衛何遜謝元魏徵而安則有愧靈運之文及暮之

事守耳遂於宦轍中尋訪舊蹟思樹之碑碣以垂不

朽然荒原邃谷非樹碑之地且樵夫牧豎猶能稱頌



官。述。年。言。卷。三。五。勲業則在口之碑賢於在石之碑遠矣乃不果立。乾隆九年安膺浙江巡撫蒙

皇上賜八旗通志先臣勞勩採輯備詳其事在一百六十四卷中敬錄於左。

花色滿洲鑲紅旗人姓那拉氏世居葉赫地方由旗員陞任平郡王府長史兼管佐領康熙十二年冬十一月逆藩吳三桂反於雲南遠近騷動十三年正月

聖祖仁皇帝命順承郡王勒爾錦統

禁旅由湖廣進勦花從征以長史管護軍夸蘭大事

所向克捷馳驛齎捷疏至

京奉

旨召入面奏進戰情形隨奉

諭旨爾實係為國家出力之人忠勇可嘉特陞副都統兼議

政仍馳驛回軍中十七年吳三桂病死十八年秋八月花隨簡親王喇布攻湖南興寧縣取之又同噶喇昂邦碩岱副都統希山偵賊至武岡州地方距州二十里遇偽將軍夏國相力戰破之斬首無算獲偽守備三人擒賊兵六人馬八匹十九年春從定遠平



寇大將軍貝子章泰進兵雲貴議分兵攻取沅州花  
與都統釋迦保前鋒統領沙納海公圖為一路軍  
次靖州奪賊險隘擊潰其衆復靖州又復綏寧會通  
黔陽等縣遂率前鋒章京塔爾岱西圖署護軍統領  
齊理伊勒紳進逼沅州僞王吳應麟等率衆來拒大  
戰破之我軍追入西門奪取北門斬僞守備一人又  
斬賊兵二百級擒三十六人復沅州冬十月貝子章  
泰進師鎮遠視賊營逼近府城據兩高山各為一營  
又當大路立一營為犄角勢深溝高壘拒守甚固攻  
久不下衆議以夜進攻比三更分兵前進賊昏夜迎  
鬪花 攻中路斫入其營賊棄營遁遂復鎮遠府乘  
勝追至偏橋斬首三百餘級擒賊兵百二十人併復  
偏橋衛時征南將軍穆占駐軍新添衛五里外遙見  
峻嶺上有賊人窺探委花 統頭隊軍捕之賊衆如  
蟻繞山脚而出直犯我師花 力戰敗賊正行追勦  
有僞總兵黃姓者列陣新添衛城下花 整衆直前  
衝擊賊敗走入城我軍奪取北門追出南門殺賊四  
百餘人遂克復新添衛僞將軍韓天福者有衆二千



餘人列隊石橋以阻我師花復大破之獲偽總兵一人斬首七百二十級擒百餘人獲偽劄付一印一旗幟軍器無算二十年春正月從征南將軍穆占進攻平越府偽將軍高起隆等據府城西南山嶺立營我軍始至賊衆六千人突出花率士卒力戰石矢雨下不反顧賊大潰斬偽副將一人首四百級擒獲無算賊復據城前山坡樹柵以拒花奮勇先登士氣百倍鉦鼓齊鳴賊駭散遂進逼城下城中復增兵拒抗我軍超躍畢登拔其柵賊衆自相蹂踐是日大戰自午及酉斬首千餘級賊氣沮散花又同各路官兵進攻貴州時吳三桂孫逆孽吳世璠襲偽號遣偽王吳應麟偽將軍夏國相等出城迎拒破之賊棄城走遂復貴州時大師駐貴陽賊營望風解散惟盤江奔流迅激山勢嶮巖賊焚鐵索橋以絕我渡官兵編筏以進賊遁遂渡盤江吳世璠由貴州奔雲南留偽將軍線絨屯兵江西坡扼險以待花奮勇轉鬪而前遂收普安等州縣二月抵雲南征南大將軍賴塔兵亦由廣西至合兵進攻世璠遣偽帥郭壯圖悉



精銳迎戰我軍分路夾攻大破之自是閉城堅守不敢復出諸將軍距城十里而營議分兵絕救援而後攻城偽大將軍馬寶果自遵義尋甸奔楚雄來援貝子章泰命花同都統希福提督桑格等領精兵往擊五月至呂合馬寶兵在大路之右十里外烏木山側深林密箐中結三營各列三象於前又遣偽將軍十二人馬步兵萬餘據險相拒設木柵插竹簽中路山梁乃賊正寨希福以花素忠勇且得軍心令當其衝花揮卒先登賊眾大集滾木礮石四下我軍

幾却花

躍馬大呼士卒齊進聲振林谷遂拔其柵

去其簽斬殺無算賊乃奔潰馬寶復在山巔險峻處

相拒花謂諸將弁曰省城固守以待馬寶寶就擒

省城解體矣我與若輩身經百戰成功在此一舉眾

咸應聲曰願効死遂同副都統托岱馬什太等乘賊

眾甫合以精騎衝之賊眾潰亂追殺偽官及賊兵無

算降偽官及兵一千五百四十三人馬寶敗亡不知

所之獲其偽誥命本身盔甲及大纛旗幟鎗礮軍器

無算又獲象三隻馬四百六十三匹偽官劄付六十



三張翌日復追勦散亡寶屬下僞總兵僞同知悉降  
遂同希福桑格踪跡馬寶擒之於呂合回軍抵省冬  
十月勇略將軍趙良棟兵亦至會兩路兵同進逼城  
駐於銀錠山晝夜攻之又占其要地走馬街太平橋  
等處賊勢窮蹙逆黨線絨等內變吳世璠自殺城中  
悉降雲南平十二月花忽得痰疾卒於軍疏

聞予卹如典禮

寶石

寶石出於猛密。舊爲木邦宣慰司地。因其女嫁猛密  
酋據而有之名亦隨易出寶石處曰寶井有新舊二  
穴去雲南永昌府二千餘里地多瘴癘賈人裹糧而  
往夷酋守之極嚴稍大而色明者即不令出貨故價  
極貴而佳者絕少然皆聽其自相貿易未有禁之者  
不禁尚如此貴重若禁之當更何如以其爲稀世  
之珍非自然之利也然飢不可食寒不可衣造物  
產此似覺多事况裹糧而往中瘴癘者不少守之  
極嚴起攘奪者尤多焚身之戒獨不聞乎或曰寶  
井地氣凝結所謂不爲偉人而獨爲是物者是或



一道也 陸成岑敬評

金銀等物

萬物生於土故曰地不愛寶滇南所屬每出奇貴之物永北府金沙廠出金南安州石羊廠出銀東川府湯丹廠出銅蒙自縣個舊廠出錫此舉其最著者若金銀銅錫所出各有多廠不止一二也永北府屬保山縣瑪瑙山出瑪瑙紅白相兼者曰纏絲瑪瑙紅如胭脂者曰紅瑪瑙白如玉而光潤者曰白瑪瑙紫色者曰紫瑛瑪瑙其色不一其體極堅而其為用甚廣

金銀銅錫為利甚溥加以瑪瑙益覺光怪陸離此

皆出自地中可云無盡藏也 陸成岑敬評

象牙等物

考一統志永昌所產有象牙象尾琥珀水晶菜玉墨玉催生石黑藥乳香兒茶哈芙蓉即鴉片冰片神黃豆稀痘青花豆治瘡寶沙治寶石瑪瑙用之緬蟲可為婦人之飾緬鈴寶石映青映紅碧以上諸物據永昌志書皆出於外地有霞犀之類千餘里者有數千里者賈人裹糧行數十日始至其處構之不易貨之甚難若寶石琥珀墨玉之類價尤



昂予性頗淡於古玩奇物僅於書傳中識其名而不究其物之果否有無因旗下親友有相索者詢之乃知會城列肆皆備叩其價果如永志所載然予居滇二載矣曾未貨一物同人哂之賈人陋之哂與陋雖異其為眼孔則一也

魯啓人

### 雲南碇子

雲南永昌碇子最佳制法以瑪瑙石紫瑛石研為細末加鉛硝及他藥料合煨之蘸其汁點滴成子牙色深黃者最堅次碧綠者稍脆又蠟色雜色及黑白有花者皆其下也

### 打糕石

大理府點蒼山崖巖峭一如刀鋒匠工於山下鑿穴取石色白如雪有青綠及微黃文文具山水草木人物禽鳥選其最肖者作小屏架以檀梨楠木以為玩次者或作櫥案古寺觀有作塔砌闌干者予抵滇後因家祀祭品內需糯糕蒸糯置石上用木頻擊始細有大理石一方長三尺五寸闊如之厚六寸有餘亦前官祀先所置石質之重非二三十人不能舉大



理去會城八百九十里不識何以至此面背有濃淡  
墨文宛如遠近山峯予惜之恐以擊而碎也家奴曰  
石厚且堅擊之無礙試之其音清越如敲戛金玉聞  
之神爽因思此石設遇米老不知如何禮拜也

決非因打糕故令二三十人昇來想其初必有賞

鑿之者淪為擊糕與鹽車等耳忽遇賞音縱効擊

糕之用亦無憾矣

陸成岑敬評

### 果品

草木水陸之品可愛者甚多大抵產於北者即不產

於南出於南者即不出於北故南方無蘋婆北方無  
朱橘天時水土使然不可強也雲南備南北方所有  
荔枝香椽佛手柑子橘子橙子梅子蘋果花紅櫻桃  
蒲桃石榴桃杏梨李柿栗胡桃松子種種俱產其寧  
州桃亞於肅寧景東梨亞於永平昆明櫻桃蒲桃可  
比西山蘋婆沙果竟似房山一帶所產惟永北所產  
西瓜雖勝他省較之山西榆次則遠不如也

### 櫻桃

櫻桃佳品也禮記仲夏之月天子羞以含桃先薦寢



廟唐世薦訖。即賜百官。故王摩詰韓退之皆有詩。

都門

熟於三四月之交。味甘色赤。潘岳賦所云。煥若隋珠。皎如列星者也。別有一種色微淡。或白山櫻桃。味酸。核肉相連。山右所產亦此種。無足取也。滇南出自昆陽。土人植此為業。花朝即熟。鬻者置於筠籃漆盤之中。萬顆勻圓。燦然可愛。較之

都門

顆微大。甘稍遜。然色亦赤。味不酸。他處無及者。黔中熟於四月。形如小栗。色微紅。啖之齒齩可愛者。顆粒大耳。博物志云。櫻桃大者。或如彈丸。信然。

遠徵諸古近。驗諸今詩。料土宜俱括在內。

敬評

陸成岑

檳榔

檳榔一名仁頻。樹高數丈。旁無附枝。葉如芭蕉。花如金粟。正月作房。從葉中出一房。百餘實。大如核桃。土人四剖其房。乾而食之。佐以石灰。及扶留。萋子能消宿食。祛瘴癘。產臨安。建水。元江。諸處。考南史。劉穆之微時。為內族所侮。嘗與妻兄弟會食。食已。索檳榔。或曰。檳榔消食。劉郎何用此。及為丹陽尹。召妻兄弟飲。



令廚人以金盤貯檳榔一斛進之則可知檳榔之食由來已久。

北方食檳榔所以辟寒滇中食檳榔所以消瘴故人人習以為常舉似江浙人則不解此味矣。  
陸成

岑敬評

### 檳榔鮮花

雲南檳榔即北方所謂嘈口檳榔是也。土人嗜之。男女咀嚼無間刻晷凡供賓客奉祭祀皆用以實籩豆。極貧之家糧可缺而是物不可廢。地方官不能禁止。

其佳者需銀八九釐次亦六七釐計省城內外十萬餘家家約三口則日費銀二千有餘矣。又市售鮮花四時俱有。極貧之家亦貯玩之。女有懸鵝百結者兩鬢必插鮮花無益之費至此極矣。

習俗相沿莫若聽其自便禁之翻令沸騰且民財祇有此數禁之不因此致富不禁豈因此遂貧每見喫烟喫酒之人雖極窮若暫時偶缺必多方謀致之忽然斷絕至一年之久及除夜計算仍是空囊耳。  
陸成岑敬評



抹猛果麒麟竭鱗蛇

元江土產植物中有抹猛果。樹高丈餘。葉大如掌。熟於夏月。味甘。又有麒麟竭。高數丈。葉類櫻桃。流脂如血。稱木血竭。動物中有鱗蛇。長丈餘。具四足。能食鹿。土人計取食之。其膽治牙痛。解諸毒。春夏在山。秋冬在水。有黃黑二種。

馬金囊

馬金囊。生大石崖上。龍朋雲臺里間有之。出元江極廣。亦名檳榔。於孔穴間得之。新者猶軟。相傳蟾蜍矢。也不常有。主治瘡。雲南志云。紫檳榔狀類白荳蔻。嚼塗惡瘡。甚效。或誤食者。飲冷水即瘥。謝在杭滇略云。其味似文官果。蔓生而非樹生也。

金剛纂

金剛纂。木也。青色。狀如刺桐。最毒。土人種以編籬。人莫敢觸。滇記云。碧幹而蝟芒。孔雀食之。其漿殺人。以為草者誤。今曲江建水石屏處處有之。雲間唐錦夢餘錄載。猛緬間有木曰金剛纂。狀如椶櫚。枝幹屈曲。無葉。剉以漬水。暴牛羊渴甚。飲之。人食其肉必死。



雞蹤

雞蹤即蘑菇之類。頂微小。梗倍長。迤西地方。在在皆有。景東蒙化永昌尤多。味似口外磨。極滑而肥。以佐烹飪。能導百味。而加鮮。六七月大雷雨後。生沙土中。或松下林間。罅隙多蟲。間有毒。或云其下有蟻穴。出土一日。即宜採。採後一日。香味俱減。過五日腐矣。土人鹽而脯之。經年可食。熬液以代醬豉。其味尤佳。

南豆

南豆即蠶豆也。粒大者如栗。小者如榛。田圃俱可布

種。九月穀黃。水澆之時。以豆苗亞於其間。既得地氣。又避日暄。十月稻穫。而枝葉漸舒。十一月即可薦新。花如扁豆。色白而帶黑痕。風過微香。以其花皆南向。故名南豆。花謝生苞。苞長為莢。莢中子有二三粒者。有三四粒者。自冬月至二月。生熟前後不同。三月則盡登場矣。晉寧所產最美。第味甘。易生蟲。農人納於蕎灰中。以作豆種。來秋去灰而後下土。青嫩時。取佐烹調。亦有鮮味。熟老則堅硬難食。滇人以之飯牛秣。馬間有乾炒油炒者。雖無風致。亦可健脾。如江浙間。



熟於蠶時故名蠶豆。若冬春即有固宜名南豆。不得謂之蠶豆矣。

箋釋精 魯啓人

茯苓

典術曰：松脂入地，千歲為茯苓。非也。茯苓蓋是松林茂盛處，其精氣盤鬱而生，不必千年始成此物。又淮南子曰：下有茯苓，上有兔絲，其說亦謬。茯苓之上並無兔絲，而龜策傳附會其意，以為山人夜燃火燒兔絲，至曉掘取之，真可笑也。深山大松樹下，所在皆有。

茯苓土人以鐵鎗截取之，有赤白二種。小者如拳大者如斗，售諸藥肆，不甚貴重。然絕大者亦少，若經久化為龜蛇鳧犬之形，此真千年物，服之延年却老，固萬不得一矣。昔沈約謝始安王賜茯苓一枚，重十餘觔，有表今滇南恒至十餘觔，一枚間有三十觔者，以之進。

貢蓋

土氣溫和，產物倍大於他處。而昔人以太華山中茯苓為第一者，固有不盡然也。

梅



范石湖作梅譜至九十餘種。可謂極梅之品類矣。如綠萼紫蒂重葉同心鴛鴦鶴頂麗友檀香皆園亭時見之種。形色雖各不侔而冷艷幽光清芬香氣未嘗有異。余於滇中見梅自冬十一月間開至春正月即落盡。俱不甚香。枝繁萼茂有異他省。意者其開獨早。花獨盛。殆亦發洩過甚而香是以減歟。然其花蒂朶朶覆下。照水梅居多。植之池畔。不啻美人臨鏡。淡服靚粧。亦雅觀也。

茶花

茶花惟滇南種繁且麗。樹高者三四丈。低者三四尺。枝扶疎而勁。葉闊厚而長。經冬不凋。以葉類茶。故花亦名茶。其開最久。自十月至二月。綿延不絕。明晉安謝肇淞謂其品七十有二。豫章鄧渙作傳稱其十德。郡人趙璧作譜幾近百種。大抵以深紅軟枝分心卷瓣者為上。撫軍署中一株高三丈餘。南門古亭菴一株亦高三丈餘。北門虛凝菴者高四五丈。開時霞光閃爍。庇蔭殿墀。可二丈許。及其漸落。流丹滿砌。拾而貯之。以備藥品。聞大理永昌更有佳者。



文有蒸霞爍日之觀古詩云體物出工麗惟斯足以當之  
陸成岑敬評

### 牡丹

滇中牡丹開於孟春盛於二月。綺萼綠跗。徑圍七寸。重臺過之。合北方之三。僅匹其一。惟色粉紅。乃花譜所載粉西施。醉楊妃之屬。間有大紅者。朵如北地。重臺亦不高。

### 優曇花

優曇花種出自西域。志載安寧州西北十里曹溪寺。

有一株狀如蓮花。開十二瓣。每遇閏月則多一瓣。予已酉歲到滇。傳此樹已久。枯無復可考。惟僅有屋數椽尚存。顏曰護花山房。近惟制府及中丞院中各有。一株樹高大。花瓣長五六寸。色白兼黃。氣香宜人。四月始開。應佛誕日也。開至秋後。清芬幽遠。不同凡卉。一名中和花。大理府亦有。庚戌歲鄂制軍署內忽開。紅色三朵。似類揚州芍藥。金帶圍。故事後果入相先兆之也。此花有欲移栽他處。終不能出滇界。雖竭力培護。一至隣境。便形憔悴。可云滇中之獨芳。世固寡。



偶而絕倫矣。

杜鵑花

杜鵑花一名紅躑躅。一名映山紅。朵大如錢。先花後葉。不植而滋。妖冶爛熳。於杜鵑啼時盛開。故名雲貴道上。遍滿山谷。幾若燎原。滇南會城中。擇其高三四尺者。植於盆盎。列之楹棟。以供宴賞。花有大紅桃紅粉紅白各色。燦然可觀。土人言迤西更有鵝黃淡黃深藍淺藍者。予未之見。偶至安寧州虎邱寺中。見大紅色者。盛開高丈餘。色映窗室。俱紅。殊為罕覩。

蓮

蓮花開於仲夏。謝於季秋。內地皆然。惟滇中蓮花。自二三月即開。於冬日猶不敗。早香晚豔。前與寒梅接踵。後與金菊齊芳。婀娜春風。素雪之間。可謂貴而壽矣。更有一種錦邊蓮。層臺內結。朱芳外縈。洵稱殊品。然草木狀。羣芳譜俱未之載。乃知天下名卉如蓮花。猶未能識盡。况其餘耶。

素馨

素馨柔幹細葉。花如茉莉而小。其香則較清。開時如



弱縷縈絲蒙香雪於枝頭玉質盈盈可愛陸賈南行  
記云南中遊女以綵絲貫素馨為飾故楊升菴有詩  
曰穿花貫縷盤香雪曾把風流惱陸郎舊傳一名那  
悉茗花本出西域又有謂昔劉王鋹有侍女名素馨  
冢上生此花因以得名然亦無可考滇中遍地皆有  
人競植之於籬落間一望碧絲成障碎玉環門輕盈  
密麗風韻可愛比之江浙以木槿為籬者真有雅俗  
仙凡之別也

刺桐花

刺桐一名海桐樹絕大葉如梧桐其花附幹而生如  
鳳形土人以鸚哥嘴呼之色深紅皮黃白有刺故曰  
刺桐生南海山谷中近嶺南處處有之人家園圃多  
植焉三四月布葉繁密花開則紅芳滿樹高出層樓  
遠睇之霞彩爛熳直同錦屏或謂花先葉後則五穀  
熟天中記彭綱咏刺桐有露中幾枝紅鸚鵡採土語  
入詩句亦極雅韻

白鶴龍女花

滇南花鳥不知名者多其知名而不見於他省者亦



多如花中白鶴龍女殊可觀也。一形似胎禽霜毛雪羽頂爪宛然故以鶴命名。一白色黃心大於制錢形似金鐘磬口低垂香芬郁烈當月明涼夜遥睇素艷菁英含羞玉質不啻臨波綽約環珮迎風想見姑射仙作瑤臺步虛耳呼為龍女亦宜。

蘭

客有愛藝蘭者為余言滇中蘭有百種余曾經目覩者已約三十餘種其中雪蘭蜜蘭珠蘭綠蘭余俱有詩咏之天台山有馬頭蘭白莖如玉形似馬頭而無香滇中有虎頭蘭亦無香甚大生於路畔如北方之馬蘭處處皆有人賤之其名虎頭者亦以其形似虎頭也客言百種中未及此二品則蘭將不止百種歟不知曾伯端十二客圖以蘭為幽客蓋其性喜在深林窮谷之中隱秀含芳遠隔塵跡故其花雖媚而品極清人亦以是貴之若馬頭蘭虎頭蘭等見鄙路入所謂似蘭非蘭蘭中之葭莠也適足以玷蘭之品而已蘭圖經不載此數種故非無見也。

菊



禮記季秋之月菊有黃華。古人取其當衆芳搖落。草木變衰之候。乃獨挺然秀發。堅其貞操。因名曰傲霜。與爭華鬪靡。得時應世者不同。往往題咏。用晚香冷艷孤芳。獨秀之句。重晚節也。滇中花卉。擅名甚盛。予素愛菊。及抵滇。却於五月午節前後見之。品亦繁多。然開不待時。未免有躁進趨炎之誚。猶隱逸不於山林。而必於塵市。炫其抱負。曷足多乎。

### 芙蓉

木芙蓉江浙處處俱栽。但春榮冬枯。極盛者高不越

丈餘。大不能盈把。若滇中皆成大樹。有如拱者。非江浙之冬枯。春發。蓋遞年接長。最易暢茂。花開一枝。輒千萬朵。望之如錦幃。有三醉芙蓉。朝白午紅。晚紫一樹。可蔭蓋一庭。豫章湖廣兩粵亦然。唐會要載。學士院有之。即邛州弄色芙蓉。號文官花。殆此其遺種耶。

### 不知名樹

雲貴樹木繁於北地。北人多不識。然各有名。問土人則知之。滇藩署內宅有樹一株。高三丈。圍四尺。葉似月季花。如春海棠。而微小。色亦微淡。九月間。草木凋



落時始發芽。冬至前開花。二月葉黃。三月全凋矣。遍  
詢土人。皆不識。考羣芳譜。各書亦無記載。署中老役  
云。此樹已三十餘年。總未命名。

假如牡丹梅柳。至今人不知名。免許多酒肉薰蒸。  
省許多啣唔吟詠。所謂祇因誤識林和靖。惹得詩  
人說到今也。此樹植藩署中。開花落葉。比羣芳分  
外別致。若得一佳名。恐題詠者聒耳不休矣。故知  
最善逃名。莫如此樹。  
陸成岑敬評

籬落田畔花草

安慶江右村落。多以木槿爲籬。隔障門戶。又種田畔。  
以分地界。兼止牛羊之踐。花開時。紫白相間。亦堪寓  
目。滇南地界。多種金銀花木香。三四月間。過其地。香  
風不絕。滇粵之交。則種仙人掌於墻頭。謂其能辟火  
災。亦種於田畔。古人因其別致。稱奇草。然一玩無餘  
味。汁能傷目。兒童尤宜禁忌。  
孔雀  
華陽國志。雲南出孔雀。二月來翔。月餘乃去。今瀾滄  
江。得多產焉。尾有金翠。恒自珍愛。遇芳時。好景或盼。



鮮麗輒自矜其尾而舒張以舞如錦屏然俗所謂孔雀開屏也因其食金剛纂又喜與蛇交故羽多毒浴於江誤飲其所浴之水亦殺人好事者捕之飼以稻梁年餘則無毒滇略云孔雀巢深谷中依灌木杲日舒翼文采耀山尾色奇麗近見馴養已久遇婦人童子服錦繡者必逐而啄之或舒尾以爭艷性似妒一山禽耳自惜其羽毛如此夷人取其卵令家雞伏之亦可畜但少文采

之亦可畜但少文采



程